

ادبیات عمومی و مجموعہ سی

هفته‌لق سیاسی ، علمی و ادبی غزته‌در

جلد : ۲

سنه : ۱ ۱۸ ذی الحجه ۱۳۳۵ جمعه ایرتسی ۶ تشرین اول ۱۹۱۷ نومرو ۵-۳۶

سلیمان پاشا زاده سامی (سلیمان نسیب) بک ارتمال مؤسفی

مکتمزك اك بيوك ارباب حيتندن ، اك اي و اك ناموسلى ارکان عرفانندن و (ادبیات عمومیہ مجموعہ سی) نك حاملرندن سلیمان پاشا زاده سامی بك استادمزك بوبایرام ارتمالیه سرورمن غم و ماتمه مبدل اولمشد .

سامی بك مملكتی ، ملتى حقیقی بر عشق ، جدی بر ایمان ایله سه‌وردی . زمانزده فطین آدم چوقدر . لکن ، مع‌التأسف ای آدم آزدر . ايشته سامی بك مرحوم بوزمه‌قليله‌یه‌داخل ایدی . کندیسى قدر ناموسكار ذوات طانیورز ؛ لکن آندن زیاده عقیف بر کیمسه‌ی بیلمیورز . سامی ، ایده‌آل صاحبی ایدی . احتراصات مادیه‌دن نفرته‌مفطور اولان استادمز غایه‌تصویراتی اوغورینه هر شیئی فدا ایدیوردی . جداً متقی ، حق متورع اولان محب مغفورمزك صوك زمانزده فعالیتی (ملی تعلیم و تربیه جمعیتی) نك تکملاتنه معطوف اولمشدی .

سامی بك مرحومك (سلیمان نسیب) نام مستعاريله نشر ایتدیکی دقیق و رقیق نشیده‌لرله (مثلاً کچن نسخه‌مزده مندرج « اردویه » عنوانلی شعر دلنشین ایله) ادبیات جدیده‌مزده پایه‌استادی بی احراز ایتدیکنی ذکر ایتمك بيله زاندد .

سامی بك ، مشهور سلیمان پاشانك اوغلی اولوب باباسنه ، آنك خاطره مؤبده‌سنه بك مربوط ایدی .

بالجمله فضائل جامع و حائز اولان سامی بك هنوز اختیار دکلمکن غیوبت ابدیه‌سی حقیقه بر مصیبتدره مشارالیه ، بو مجموعه بی صورت فعلیه‌ده حمایه ایتکده ایدی . بناءً علیه ، بو بیوك رفیقمزك ارتمالیه مجموعه‌مز ایکی قات مؤلدر . بو هفته کی نسخه‌مزده مندرج بر مقاله کندیسنه خطاباً یازلمشدی . سامی بك ، آکا جواب ویره‌جک و مطبوعه‌مزده بر مباحثه علمییه سبب اوله‌جقدی . لکن ، افسوس ! سؤالز جوابز قالمق محرومیتنه اوغریور .

سامی بك مکتب ملکیده‌ده جدی بر تعلیم و تربیه کوردکدن صکره معارفه انتساب ایتش واوزون مدت جزائر بحرسفیده ، خداوندکار ولایتلری معارف مدیریتلرنده ، دارالفنون مدیریتنده ، مجلس معارف و تالیف و ترجمه هیئت اعضاقلرنده بولونمشدی . دور سابقده سامی بك مرحوم بالخاصه دوچار غدر اولمشدی . سامی بك وفاتی طولانیسيله مشارالیهك بك محترم ایکی همشیره‌سنی ، زاده عزم واجتهادی اولان (ملی تعلیم و تربیه جمعیتی) نى و مجموعه‌مزى شایسته تعزیت کورورز .

پای تختك قاپسندیه

[تقدیر کارلری ده ، مخالفلری ده تسلیم و اعتراف ایدرلرکه
فائق عالی ، وزن عروضی طرز جدیدنه هرکسدن ایی استعماله
موفق اولمش ، ذی دهاء بر شاعر مقتدر مزدر . اوزانه
تصرفده توفیق فکرت بیاہ - فانی تسلیلر - مبدعنی کچمه مشدی .
فائق ، یالکز بیوک بر شاعر دکل ، حتی « پک » شاعر در . رولنی
فائق قدر ایی اوینایان بر ادیبه آرز تصادف اولنور . فائق
هالینک حیاتی ، بر تسلسل شعر ، بر تعاقب وزن و قافیه دن
عبارتدر . استاد مزك اخیراً بالاده کی عنوان ایله یازوب طبع
ایتدیرمك اوزره اولدینی تماشای منظومندن آتیده کی ابد - موعود
صحیفه لری تشنکان صنعت و ادبک انظار تقدیر و تحسیننه شیمدین
عرض ایتمکله مجموعه مز وایه دار مفخرت اولور .]

طیب

- طوب مسلرینی برمدت دیکله دکن صوکرآ جلب نظرله -

... باقکر

بزم طوب آتشمز دیندی . . دیکله یك . . یالکز

بو تون سفاش حربیه حال جنتده . .

پیاده مز ، صانیرم ، هپ هجوم وصولتده .

- دیکلرلر . . بر قاچ ثانیه سکوت . . صوکرآ -

سزا - باشنی والیرینی سمایه قالدیره رق -

یتر بو ملکتنک قاچ عصرلق آلامی . . .

یولکده ثولکه حاضر جیوش اسلامی

مظفر ایله الهی ، وخصمی قهر . .

- هپسی بردن -

آمین .

- اولجه میدان حربی رؤیته مانع اولان طوب دومانلرینک

بقیه سنی بوضره ده شرقدن غربه دوغرو شدتله اسمکه باشلایان

برروز کار سوق و رفع ایدهرک اطراف وحوالی واضعاً فرق

اولونور ، وها کر مخصوصه نک قسماً قایقلمه بینمش واپورلرینه ،

وقسماً دوشه قالفه دکزه دوغرو فرار ایتدکلی کورولور -

طیب

- فوق المعاده بر مسرت و منظره یی اشارتله -

آمان باقک قاچبورلر ! . .

- هپ قیام ایدرلر -

سزا

خدای منتقمك

بو بر عنایتی . . ای خالق عظیم الشان ،

علو لطفك شکر و ثنای بی پایان .

- کونش دو غمیه باشلار . . بر از صو کرا ایچلرنده

« زاهر » ده بولونان خفیف ، آغر بر قاچ مجروح عسکرک

هلال احر منسوبنی ذوات و بر قاچ نفر معاونتیه کتیرلدیکی

کورولور . هپ او طرفه بش التی خطوه ایلرلر -

بشنجی مجلس

سزا ، طیب ، خسته باقیجیسی حاتم ، زاهر ، دیگر مجروح نفرلر ،

و یاردیجیلری

سزا

دلاوران وطن ، صرحبا ، غزا کزله

مظفریتکز ، عیدیکز مبارک اوله .

مجروحلردن بر قاچی

سنكده کوزلرک آیدین . .

- مجروحلرله برابر کان خسته باقیجیلری و سائر هلال احر

چادرلرینه دوغرو یورورلر -

سزا

خدا شفا ویرسین .

مجروحلردن بر نفر

- الیه دکزی اشارت ایدهرک -

بو حال کوردم آ . . ثواسه مده غم یم . .

سزا

تحصین

آر اوغلی آر . . بویوک ارسلان یورکلی انسانلر .

- زاهر ی قوجا قلا یوب آلندن او پهرک -

وطن بوروب جلادله قورتولور و یاشار .

التنجی مجلس

سزا ، طیب ، زاهر ، خسته باقیجیسی ، بر نفر

سزا

- بروضع و صدای مشفقانه ایله زاهره خطاباً -

یارهك قولکده می ، چوق مضطرب عیسك ؟

زاهر

آصلا ،

خفیفجه بر یاره . . هیچ حس اولونمور . .

سزا

اعلا .

زاهر

- طیب ایله ده بعد المصافحه برطاش اوستنه او طوره رقی -
 نه در بو خارقه دو قنور ، نه در بو حال ؟
 سزا

اعجاز . .

طیب

أوت ، بو معجزه در عقل وفنه هیچ صیغماز .
 یاره لك ناصل ؟ عجا چو قه قان ؟ میكده . . .

زاهر

خایر

میكده طارضا یوقش . .

طیب

کوزل ، فقط یاره در ،
 نه اولسه بر یاره . . کل قاردم ، چادرده برار
 یات ، استراحت ایت . .

زاهر - رد ایدرک -

اولماز . .

طیب

یچین ؟ خایر . .

زاهر

اولماز ،

خایر . . بو منظره لك قارشینده برمدت
 دوشونك ایستیورم . . سن براقده بر حرمت ،
 بوشمس طالعی روحم سلاملا سین . . بونی هیچ
 بر افق نور سحر کورمه مشدر . . « اوسترلیچ »
 مظفیتی اوستنده ، بیک سکر یوز بش
 قیشنده ظن ایدرم عینی آی ، دوغان اوکونش
 جکلدی کیتدی . . بو کون روی ارض و آفاقه
 ضیا صاچان یکی ، نادیده برکونش ، باشقه
 بر آفتاب طفر ، پای تخت اسلامک
 بوشمس طالعی واردرکه بر چوق اوهامک ،
 خبیث املاک انقاض انقراضیه
 سقوط مدهشی اوستنده عرش اجلاله
 صعود ایدوب کیدیور . . بویله بر تماشانک
 حضور نور و سرورنده بنجه انسانک
 جریحه سندن آقان قان دورور . . عمر چوغالیر .
 بو ، روحه بر صمدیت ویرن تماشادر .

فانی عالی